

中國方志叢書·華北地方·第四七四號

據

民國二十四年
鄒古愚纂修
鉛印本

影印

河南省

河南獲嘉縣志



成文出版社有限公司印行



10107461

中國方志叢書·華北地方·第四七四號


據

民國二十四年
鄒古愚纂修
鉛印本

影印

河南省

河南獲嘉縣志



成文出版社有限公司印行



10107462

中華民國六十五年 月壹一版

河南獲嘉縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

河南河南通志卷之二十一

目錄

卷首 目錄 序 舊序 修志姓名

凡例 繪圖

卷一 地理 沿革 疆域 形勝 山川 地質

卷二 建置 城池 附街市 寨垣 鄉村

卷三 建置 學校 黨部 公署 附倉庫 交通

卷四 建置 祠祀 宗祠 寺觀 古蹟 附坊表 冢墓

卷五 賦役 土田 賦額

卷六 賦役 徭役 雜稅 附公債 歲計

卷七 河渠 兵防

卷八 氏族 氏族 戶口

卷九 風俗 特性 宗教 禮俗 歲時 生活 習慣 娛樂 諺語

河南通志卷之二十一 目錄

卷十 職官

卷十一 選舉

卷十二 人物 循吏 鄉宦

卷十三 人物 忠烈 孝友 義行 文學 隱逸

卷十四 人物 列女 流寓

卷十五 藝文

卷十六 金石

卷十七 物產 祥異

河南河南通志卷之二十一

目錄

卷首 目錄 序 舊序 修志姓名

凡例 繪圖

卷一 地理 沿革 疆域 形勝 山川 地質

卷二 建置 城池附街市寨垣鄉村

卷三 建置 學校 黨部 公署附倉庫 交通

卷四 建置 祠祀 宗祠 寺觀 古蹟附坊表 冢墓

卷五 賦役 土田 賦額

卷六 賦役 徭役 雜稅附公債 歲計

卷七 河渠 兵防

卷八 氏族 氏族 戶口

卷九 風俗 特性 宗教 禮俗 歲時 生活 習慣 娛樂 諺語

河南通志卷之二十一 目錄

卷十 職官

卷十一 選舉

卷十二 人物 循吏 鄉宦

卷十三 人物 忠烈 孝友 義行 文學 隱逸

卷十四 人物 列女 流寓

卷十五 藝文

卷十六 金石

卷十七 物產 祥異

序

人類活動之跡象既受制於空間
亦受制於時間記載此類活動之
跡象能把握以空間與時間而充
分抉發其特性者在國為良
史在地方為良志可傳不朽中
國之有地方志乘由來已久然體
制陳舊相沿空疏不名狀故有漢
書數十卷而敘述不詳果為
蓋以社會未變故心理未變事未

變而久而不變也自共和肇創政
制悉改迨國民革命軍興由珠
江以達黃河南北中國政界在思
想上起巨大之變化於此而將作
志以記一地之事一物之人一方之
物其豐富繁複有非舊志體例
所可以擬民國二十一年二月一日
余生巡按北通次獲嘉鄒物志
古愚以新供好志進請余一言
再述縣中社為人士回見序不

因事執甚烈。或不能成。于賴其遂。
父玉乃於中。庫之調。亦新舊閱。
三月而後。去余。得在法。封建制度。
方出。崩潰。而革命。為未成功。日。
新舊思潮。之衝突。理也。亦勢也。
昔者縣志。之體例。定自中興。
循其體。依其例。記其人。述其事。載。
其物。用現文。史筆。眼光。敘述。生。地。
方。事實。新者。多。失。其。為。新。舊。者。
無。碍。其。為。舊。把。握。時。代。與。地。方。特。性。

以成現代志來此則有賴於才學識
三長而此可藉社舊門戶事以水
東泉而為調和物惠者矣茲志是
否有合於古者位無嫌細閱姑述其
信義法以狀

中華民國二十一年二月官駐豫
特派員請主在河南省政府主席
去無劉峙誌於獲嘉此次

序

存往蹟樹來規方志之利豐於國史獲嘉縣乘自清乾隆丙子吳令喬齡重編後迄今茲無續者愒亦甚矣然非特獲嘉也民國肇造以還其以志事促各方者奚啻五申三令而成書猶寡於曙星其癥結蓋有二薦紳先生篤於嗜古濡毫灑翰惟前人或例是紹而於近代新猷熟視焉若無覩是猶遠適者終日蜷伏室中其弗能達萬里之前程可知也趨時之士侈談改革睨曩哲所留遺悉鄙爲芻狗思盡薙之以爲快是猶築室而棄其基雖百計庀材其不能大啟爾宇更無疑也維獲亦然志局之闢肇於十年因循至十七年卒以中廢二十一年五月予來權篆思有造於是邦而文獻未備慮無所根以善其設施於是重啟志館聘邑中耆宿陳君耀卿郭君伯英丹忱分司考纂比事屬辭星霜兩閱稿已大略備矣復以見解錯迕書不得成邑人士爲折衷計請於予以書奉迎予從父既至覩志稿才陳君兼嘉二郭君之能而惜其不能相與以有成也爰與予謀謂陳君學博而識偉其考據之精審非特晚近所

希逢抑亦舊志所弗逮惟最近數十年事實亦賴二郭君網羅當兼採所長以成完璧議定取陳郭三君藁反覆審諦擷其菁華其有闕略更爲蒐羅以補綴之計葭莢凡五更而功歲焉嘻幸哉自茲日厥後眎土地河渠物產諸志則土宜水利盡得而獲之農業可興也眎建置志則知前人在獲具有成勞不可不有以維之而且增廓之也眎賦役志則覺獲民之負荷已艱弗忍更事腴削且思用所取者爲獲士女福也眎兵防志則獲在目前雖幸無伏莽要不能不防患於未雨也眎職官志及人物志中循吏傳則思官斯土者之多非有決髓淪肌厚澤未易留去後思也眎人物選舉藝文諸志則悟獲亦有才闕囊舍而陶淑之文化未嘗不可蒸蒸日上也眎民族風俗祥異諸志則哀獲人之數罹災祲僅存餘息而樸猶未漓當有以繁其生齒而更與於變以進至陶唐之時雍也然則是書也人目之爲方志予操之爲治譜後之君子其有與予同情思登是邑於上理者乎請按籍而稽

中華民國二十三年六月吉日獲嘉縣縣長鄒古愚撰

舊序 萬歷癸卯

彰德府同知 張蘊道 五臺
管獲嘉縣事

邑之有乘猶國之有史所以存往蹟考風俗明勸戒也故按籍而理者每於志亟焉不佞之視事於獲也意欲有所興除輒進鄉父老問所疾苦暨他掌故具不能悉已及邑乘則謝無有遂懷然曰邑縱疲甚奈何并載籍泯泯也即一旦當事者憫其弊欲訊故實而更張之抑或輶軒使者行有撰述於茲採風問俗余又何藉手對乃決策纂修而苦於案牘旁午未之假也會海虞錫元陳公署邑博錫元世其家學雅擅文譽爲具聘請曰以不佞之職在茲土所使一邑之事燦然臚列自不佞責也乃足下借重邑庠獨不能爲不佞操三寸弱翰理鉛槧事乎錫元起拜謝不敏余請益堅於是集生徒咨故老搜羅軼事採摭異聞自圖說至雜志得卷凡十越三月而稿竣持以視予予持以視縉紳先生畧加詳定僉曰是編也約而不遺贍而不冗文而不誣質而不俚可以傳矣爰付之梓又一月梓成余將勾當世椽筆弁其首而邑諸生請不佞先序所以夫衝疲之邑廢墜良多余自視事來宵旦料理如督通課釐積弊

濟河渠節郵傳繕公廨無片晷隙然尙猶棼絲理之而愈覺其棼也則今日所當舉者又寧止一乘而顧亟修之何也徒以舉一廢而百廢可知也展卷間覩土田之確則思賦稅之難供慨生齒之流亡則思絲役之難任占嘆溢之不時則思儲侍之宜預感前哲遺愛之在人則思獲未嘗不可治而治獲未嘗無善政其他力有不足時或未迫者尙冀後來之補苴未易更僕數也大都志具之矣蓋獲志特與別志異別志誇其華實惟恐不盡獲志寫其彫瘵亦惟恐不盡即謂獲志當鄭俠繪圖可也若夫轉瘠爲腴變呻爲謠俾獲俄成樂土自有當事者主之謹按籍以從

又序

馮上知 邑人

張公治獲之明年慨邑志湮滅故典無徵爰命學博陳君蒐散佚詮次其事凡兩閱月而卒業其中要會余旣得與聞則宜列數言於首先是邑政之失非一端更數令皆以不職罷去當事者憂之乃疏議非得才敏吏已試而有徵者弗勝此擇所屬以公名上公時倅鄰郡則請加秩郡丞治邑事制曰可於是邑人相慶慰云君子謂斯

舉也可以觀政矣余惟一國之具與一邑之具與一人同人之身有皮毛筋骨腑藏血氣善醫者審其表裏然後得其所受病而調劑有方邑之志即國之史此亦人之皮毛筋骨腑藏血氣所具也不備不可以爲人不知其孰是又安知其病而爲之去不可以爲備先王之訓曰表山川正疆域分田賦程土俗著風物剛柔燥濕巨細美惡陳風昭事厥垂載籍豈文具設哉國之所以爲國邑之所以爲邑猶人之所以爲人也撫痛癢而問災祥是呼吸相關者夫天下之勢積習有因要於早識而力爲之返建國立邑綱紀命脉如人之生初亦何嘗不强且盛及其情識既透而外誘相仍其强可立弱也嗜欲日攻而元神內耗其盛可立衰也嗟乎此可恬然不亟省耶余覽是書邑之戶口非虛而遊閒衆地畝非狹而輸納繁生殖非稀而取用侈習稟非薄而訟獄滋衣冠葦輿而緩退讓耕鑿同力而羞賤貧文學漸開而疏本質法令條布而少和平可謂長華虧根離正入巧種種受病矣此與人之將弱且衰者何異彼夫憫然顧慮相輕重參疾徐以振起其病而還之强盛者其道可知也公之

爲是書有意乎蓋宰物經世本於神情故邇可遠小能大始有終也記曰通於一萬事畢夫公之神情備矣有其一矣此安論治邑於天下事奚有焉若乃象類具形於指掌義例存法於微言既典且彰是書有足多實惟陳君之才余勿具論論所以命志意如此志凡若干卷張公晉之五臺人陳君吳之常熟人也

又序

獲嘉縣教諭 陳禹謨 常熟

獲故有志第刻本無傳每輜軒使者往來欲採風問俗而無從也會鄴郡丞五臺張公來視獲篆百廢具興一日謂謨曰惟是邑之乏乘自大欠事也余以簿書稠濁圖有所撰次而未遑願以屬子謨謝不敏焉公屬之轉堅遂勉應命先時齋頭故匱所存蠹餘若干帙有舊志副本逸諸籍中蓋未卒業之書也檢而裒之纔得十五既王生維翰手一錄至視前本不能加詳最後得省通志郡總志以證二錄間有前未備者時蓋得十之六七謨更造邑薦紳先生諮訪故實薦紳先生率不憚娓娓而諸生中亦各出所覩記相眎無虛得十之八九謨遂謬爲詮次畧者詳之闕者補之俚者